



02 APR, 2021

12 hari sambung bicara bermula 11 Ogos depan

Berita Harian, Malaysia



Page 1 of 2

Kes 1MDB

12 hari sambung bicara bermula 11 Ogos depan

Kuala Lumpur: Mahkamah Tinggi di sini, semalam, menetapkan 12 hari bermula 11 Ogos depan untuk menyambung perbicaraan kes pindaan Laporan Akhir Pengauditan 1Malaysia Development Berhad (IMDB) membabitkan bekas Perdana Menteri, Datuk Seri Najib Razak dan bekas Ketua Pegawai Eksekutif IMDB, Arul Kanda Kandasamy.

Peguam Nur Syahirah Hanapiyah sebelum itu memberitahu media,

perbicaraan kes itu sebelum ini ditetapkan untuk disambung bicara pada 11 dan 12 Ogos ini.

"Mahkamah hari ini (semalam) menambah tarikh perbicaraan selama 10 hari bermula 6 hingga 9 September; 4 hingga 7 Oktober dan 20 serta 21 Oktober ini," katanya.

Terdahulu, kes itu semalam ditetapkan untuk pengurusan kes di hadapan Timbalan Pendaftar Mahkamah Tinggi, Catherine Nicholas.

Turut hadir, Timbalan Pendakwa Raya, Nadia Zulkifli dan peguam Goh Cia Yee mewakili Arul Kanda.

Tujuh saksi pendakwaan termasuk bekas Ketua Setiausaha Negara, Tan Sri Dr Ali Hamsa dan bekas Ketua Audit Negara, Tan Sri Ambrin Buang sudah memberi keterangan dalam perbicaraan dan pihak pendakwaan dijadualkan memanggil 11 saksi lagi dalam pendengaran kes yang kali

terakhir dilangsungkan pada 13 Oktober tahun lalu.

Najib, 68, didakwa menggunakan kedudukannya untuk mengarahkan pindaan dilakukan terhadap laporan akhir audit IMDB sebelum dibentangkan kepada Jawatankuasa Kira-Kira Wang Negara (PAC) untuk mengelakkan sebarang tindakan diambil terhadapnya.

Arul Kanda, 44, pula didakwa bersubhat dengan Najib dalam

membuat pindaan bagi melindungi Ahli Parlimen Pekan itu daripada tindakan tatertib, sivil atau jenayah berkaitan IMDB.

Kedua-dua mereka didakwa mengikut Seksyen 23(1) dan 24(1) Akta Suruhanjaya Pencegahan Rasuah Malaysia (SPRM) yang memperuntukkan hukuman penjara maksimum 20 tahun dan denda lima kali ganda nilai suapan atau RM10,000, mengikut mana lebih tinggi, jika sabit kesalahan.



02 APR, 2021

12 hari sambung bicara bermula 11 Ogos depan

Berita Harian, Malaysia



Page 2 of 2

SUMMARIES

Kes 1MDB

Kuala Lumpur: Mahkamah Tinggi di sini, semalam, menetapkan 12 hari bermula 11 Ogos depan untuk menyambung perbicaraan kes pindaan Laporan Akhir Pengauditan 1Malaysia Development Berhad (1MDB) membabitkan bekas Perdana Menteri, Datuk Seri Najib Razak dan bekas Ketua Pegawai Eksekutif 1MDB, Arul Kanda Kandasamy. Peguam Nur Syahirah Hanapiah sebelum itu memberitahu media,

perbicaraan kes itu sebelum ini ditetapkan untuk disambung bicara pada 11 dan 12 Ogos ini.